

Dëshmi të arta

Edhe pse kundërshtarë të shumtë flasin dhe hedhin parrulla falso mbi medh'hebin e Ehli Bejtit, mirëpo ka dijetarë të drejtë nga ehli sunneti, të cilët shënuan fjalët e qarta e të sakta për këtë mdh'heb. Disa nga ata e quajnë edhe medh'hebin e pestë dhe të tjerët e konsiderojnë si pasqyra e kthjellët.

Ja disa nga fjalët e tyre:

Imami i madh, Shejhu i Azharit, Mahmud Sheltut ka thënë: **“Vërtet, Medh’hebi Xha’feri, i njohur me si medh’hebi shi’it imamit i të dymbëdhjetëve, lehoet me shariat ndjekja e tij, njësoj si medh’hebet e tjera të ehli synnetit.”** (Islamuna, i Rafiut; f. 59. kjo fetva u botua në revistën “Risaletul islam”, e cila botohet në Egjipt.)

Sheju i Az’harit, doktor Muhamed Muhamed El Fehham ka thënë: **“Unë isha nga apasionantët e Shejh Mahmud Sheltutit. E pëlqoja shumë moralin e tij, dijen e tij, njohuritë e gjëra që kishte, aftësitë e tij në gjuhën dhe letërsinë arabe, në tefsirin e Kur’anit dhe në studimet e parimeve të jurisprudencës, i cili nxorri fetvan për ndjekjen e medh’hebit të shiave imamij. Unë nuk dyshoj në këtë, sepse sipas mendimit tim, kjo fetva e tij qëndron mbi parim.”**

“All’llahu e mëshiroftë Shejh Sheltutin, i cili e hodhi vështrimin nga ky kuptim fisnik, dhe, ai do të qëndrojë i përjetshëm me fetvanë e tij të qartë e guximtare kur tha për lejimin e zbatimit të medh’hebit të shi’ave imamij.” (Islamuna; f. 59)

Thirrësi, Shejh Muhamed el Gazalij në librin “Difaun anil akijdeti dhe sheriati”, në faqen 257 thotë: **“Besoj se fetvaja e profesorit të madh, Shejh Mahmud Sheltut ka hapur një rrugë të gjerë dhe është një kthesë për përpjekjet e qeveritarëve dhe dijetarëve për të përgënjshtruar pretendimet e orientalistëve, të cilët thonë se smira do ta ha ymmetin (bashkësinë) para se të bashkohen rradhët e saj nën flamurin e përbashkët... Kjo fetva, sipas mendimit tim, është fillimi i rrugës dhe puna e parë”**

“Pa dyshim, se shiat besojnë në Shpalljen e Muhammedit..... Ata janë si të gjithë myslimanët dhe nuk mendojnë se ka njeri, nga të parët e të pasmit, më të madh se sa Sadikul Emijni”, i vërteti dhe besniku.”

Doktor Mustafa Rafi’ij ka thënë: **“Ato dy medh’hebe- ka si qëllim imamitet dhe zejditët- janë të vetmit nga grupacionet e shiave që kanë afrimet me medh’hebet e ehli synetit dhe është e rregullt ndjekja sipas rregullave të tyre.”**

“Nuk shoh asnjë pengesë në mbëstetjen e medh’hebit xha’ferij në anë të medh’hebeve të tjera.” (Islamuna; f. 32 dhe 59)

Hasan el Bena ka thënë: ***“Dijeni se synitët dhe shiat të gjithë janë myslimanë. Ata i bashkon një fjalë e vetme “La ilahe il-lallah Muhammed resulallah”, ‘nuk ka Zot tjetër përveç All’llahut dhe Muhamedi është i dërguari i Tij.” Ky është parim i besimit ku synitët dhe shiat në të janë të njëjtë dhe bashkohen me të. Ndërsa ndryshimet mes tyre janë në çështje që mund të afrohen mes tyre.”*** (Dhikrajat la Mudhekkirat, i Umer et Telmisani; f.249 dhe revista “El Alem”, nr. 519,f.40)

Professor Ahmed Bekr el Misrij, profesor i Sheltutit dhe i Ebi Zuhretu ka thënë: ***“Shi’itët imamit janë myslimanë. Ata besojnë në All’llahun, në Profetin, në Kur’anin dhe në çdo gjë që solli Muhammedi (paqja dhe bekimi i All’llahut qofshin mbi të!)...Te shiat imamitë, si në kohët e shkuara edhe tani, ka juristë shumë të mëdhenj dhe dijetarë në çdo fushë. Ata janë mendimtarë të thellë dhe njohës të gjërë. Shkrimet e tyre janë me qindra e mijëra ku shumë prej tyre i kam lexuar.”*** (Tarihul Teshriul islamij)

Shejhu i Az’harit Sejjid Muhamed Tantavi ka thënë: ***“Pa dyshim, myslimanët synitë dhe shi’itë besojnë në All’llahun dhe në të Dërguarin e Tij. Ndryshimi i mendimeve nuk e pakëson shkallën e besimit të njerëzve.”*** (Revista “Risaletu Thakalejni, nr. 12 i vitit të parë të botimit, 1413 hixhri. F. 252-253.)

Professor Mahmud Sertavij, Rektor i Fakultetit të Sheriatit në Universitetin jordanez dhe një nga Myftitë e njohur ka thënë: ***“Unë them po atë që kanë thënë të shkuarit tanë të mirë: Shiat imamitë janë vëllzerët tanë në fe. Ata kanë te ne të drejtën e vëllazërisë, gjithashtu, edhe ne. Ato mendime dhe pikpamje të ndryshme që gjenden mes nesh dhe atyre, janë te degët.”*** (I njëjti burim i mëparshëm; f. 90)

Profesor Abdul Fetah Abdul Meksud ka thënë: ***“Unë besoj se shiat janë ballina e saktë e Islamit dhe pasqyrë e pastër. Kushdo që don të shohë Islamin, ta shohë nëpërmjet besimit të shiave dhe nëpërmjet punëve të tyre. Historia është dëshmuesja më e mirë për ato që kanë bërë shiat dhe për shërbimet e mëdhaja që kanë dhënë në fushën e mbrojtjes së besimit islam. Vërtet, dijetarët e nderuar shi’it kanë luajtur rol të madh në fusha të ndryshme, ku askush nuk mund ta bëjë. Ata sakrifikuan dhe luftuan shumë për hir të lartësimit të islamit, për përhapjen e mesimeve të tij të çmuara, për udhëzimin e njerëzve dhe për drejtimin e tyre kah Kur’ani.”*** (Fi sebijli Vahdetil islamijeh)